



TE PUKAPUKA POUAKO

## TE TOI PUORO



### TE KAUPAE 1

92091 | Te whakamahi i ngā āhuetanga toi puoro kia puta ai he mahinga toi.  
(Ngā Whiwhinga: E 4)

**Te Rā Tuku Aromatawai ā-Waho: Te Wāhanga 4 – I mua i te 28 o Oketopa 2026.**

# Te Whārangi Ihirangi

He Kete Manarua .....	2
<b>92091 Te whakamahi i ngā āhuetanga toi puoro kia puta ai he mahinga toi</b>	
Te Tūmahi Aromatawai ā-Waho .....	4
Ngā Tohutohu .....	4
Ngā Huānga Toi Puoro .....	4
Te Paerewa Paetae .....	6
Te Tautuhinga Aromatawai ā-Waho .....	9
Te Whakatakotoranga Aromatawai ā-waho .....	9
Ngā Herenga Aromatawai ā-Waho .....	10
Te Motuhēhē o ngā mahi o ngā ākongā .....	10
Te Tāpaetanga me te Hāponotanga .....	11
Te Mahere Aromatawai ā-Waho .....	12



## He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuetanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

He mihi ki te kaihangā o te mahinga toi kei te uhi mua. I whakaaturia te taonga i te Ringa Toi Exhibiton 2023.  
Harding, Stella. (2023) *Tūkaiaia*. Whangārei Girls' High School.



# Te Toi Puoro

92091 Te whakamahi i ngā āhuatanga toi puoro kia puta ai he mahinga toi

(Te Kaupae 1, Ngā Whiwhinga: E 4)

Kairangi	Kaiaka	Paetae
Ka whakamahi i ngā āhuatanga toi puoro e whai tikanga ana kia puta ai he mahinga toi.	Ka whakamahi i ngā āhuatanga toi puoro e whaitake ana kia puta ai he mahinga toi.	Ka whakamahi i ngā āhuatanga toi puoro kia puta ai he mahinga toi.

# Te Tūmahi Aromatawai ā-Waho

He taura te Tūmahi Aromatawai ā-Waho e whai ake nei hei kōwhiringa mā te Pouako. Ka whakamahia rānei, ka whakarite Tūmahi Aromatawai ā-Waho anō rānei, kei te Pouako te tikanga.

## Ngā Tohutohu

E rua (2) ngā wāhanga ki te aromatawai nei.

1. Wāhanga tuatahi. He rangahau me te whakaputa māramatanga ki ngā huānga toi puoro i roto i tētahi tauira puoro.
2. Wāhanga tuarua. Waihanga, whakaahua i tētahi tauira puoro. Ka whakamārama i te āhua o te whakamahi i ngā huānga toi puoro i roto i te tauira puoro.

Ngā Huānga Toi Puoro		
Taonga Puoro	Reo	Kupu
Raupapa	Tangiata	Rangi
Manawataki	Wairua	Tairongo

### He Kōrero Āpiti:

#### Wāhanga 1

- Me 150 kupu, neke atu rānei, te whakamārama.

#### Wāhanga 2

- Me nui ake i te whā (4) ngā huānga toi puoro ka whakamahia i roto i te titonga.
- Me 150 neke atu rānei ngā kupu whakamārama i ngā huānga toi puoro.
- Ka tāea mā te waiata, tāonga puoro rānei.

**Wāhanga tuatahi: He rangahau me te whakaputa māramatanga ki ngā huānga toi puoro i roto i tētahi tauira puoro.**

- Tīpakohia tētahi tauira pūoro nā tētahi kaiwaiata iho pū ki a koe.
- Tūhuratia ngā huānga toi pūoro i roto me te whakamārama, mā te 'tuhinga' 'hopunga reo rānei'
  - » Ko wai, nō hea te kaitito?
  - » He aha te kaupapa matua o te tauira puoro i tīpakohia e koe?
  - » Kei te whakamahia rānei ngā huānga toi puoro katoa? Ae, kāore rānei?
  - » He aha te āhua o te whakamahi i ngā huānga toi puoro?
  - » He aha i pai, i kore i pai ai rānei tēnei tauira puoro ki a koe?

Mā te Kaiako tēnei wāhanga o te kete manarua e aromatawaingia. Kia tutuki i a ia tēnei wāhanga ka timata te wāhanga tuarua.

**Wāhanga tuarua: He waihanga, he tito rānei i tētahi tauira puoro. Ka whakamārama ai i te āhua o te whakamahi i ngā huānga toi puoro i roto i te tauira puoro.**

Kōwhiritia tētahi kaupapa māu:

- Whānau / Hapū / Iwi / Kura
  - Taiāo
  - Kōrero tuku iho
1. Tūhuratia te kaupapa i kōwhiria. Tīpakohia kia toru, neke atu rānei he wāhanga/tirohanga/ ariā o te kaupapa hei wherawhera māna.
  2. Kōwaehia ngā kaupapa matua i tīpakohia.
  3. Whakawhāititia ngā kōwae i tīpakohia ki tētahi/ētahi rerenga noa iho e pupuri tonu ai te ia o ngā whakaaro, hiahia rānei.
  4. Tapirihia tetahi rangi, pao ranei ki o te kowae. Me kotahi (1) meneti neke atu ranei te roa.

# Te Paerewa Paetae

Putanga 3

<b>Aronga</b>	Toi Puoro 1.4		
<b>Ingoa</b>	Te whakamahi i ngā āhuatanga toi puoro kia puta ai he mahinga toi		
<b>Kaupae</b>	1	<b>Whiwhinga</b>	4
		<b>Aromatawai</b>	Ā-waho
<b>Marau akoranga</b>	Te Marautanga o Aotearoa		
<b>Kokonga akoranga</b>	Toi Puoro		
<b>Mana rēhita</b>	Kua rēhitatia	<b>Te rā i mana ai</b>	Hakihea 2023
<b>Te rā e arotakengia ai</b>	Hakihea 2028	<b>Te rā i puta ai</b>	Hakihea 203

## Te Whāinga

Ko te whāinga o tēnei paerewa paetae he whakamahi i ngā āhuatanga toi puoro kia puta ai he mahinga toi.

## Paearu Paetae

<b>Paetae</b>	Hei tohu i te paetae: <ul style="list-style-type: none"> <li>• Ka whakamahi i ngā āhuatanga toi puoro kia puta ai he mahinga toi.</li> </ul>
<b>Kaiaka</b>	Hei tohu i te kaiaka: <ul style="list-style-type: none"> <li>• Ka whakamahi i ngā āhuatanga toi puoro e whaitake ana kia puta ai he mahinga toi.</li> </ul>
<b>Kairangi</b>	Hei tohu i te kairangi: <ul style="list-style-type: none"> <li>• Ka whakamahi i ngā āhuatanga toi puoro e whai tikanga ana kia puta ai he mahinga toi.</li> </ul>

## Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Ngā Toi kei: <https://ncea.education.govt.nz>

*Whāinga Paetae*

Ka tūhura, ka hanga, ka hanga ariā, ka whakaatu:

- i ngā horopaki o ngā tūmomo puoro me ētahi mahi e hāngai pū ana ki aua horopaki.

2 E whai ake nei ngā whakamārama mō ngā paearu paetae:

<i>Ka whakamahi i ngā āhukatanga toi puoro kia puta ai he mahinga toi.</i>	Ka kōwhiri, ka whai i ngā āhukatanga toi puoro e hāngai ana ki te horopaki.
<i>Ka whakamahi i ngā āhukatanga toi puoro e whaitake ana kia puta ai he mahinga toi.</i>	Ka kōwhiri, ka whai i ngā āhukatanga toi puoro e whaitake ana ki te horopaki.
<i>Ka whakamahi i ngā āhukatanga toi puoro e whai tikanga ana kia puta i he mahinga toi.</i>	Ka kōwhiri, ka whai i ngā āhukatanga toi puoro e whai tikanga ana ki te horopaki.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>āhukatanga toi puoro</i>	<p>Ngā āhukatanga katoa e hāngai ana ki te mahi waihanga toi puoro, arā:</p> <ul style="list-style-type: none"> <li>• ngā ariā toi puoro pēnei me te kōrero pūrākau, te whakapapa, te aronga ā-iwi</li> <li>• ngā tukanga toi puoro pēnei me te rangahau, te whakarite, te whakamahere</li> <li>• ngā huānga toi puoro pēnei me te hā, te ūngeri, te manawataki, te rangi</li> <li>• ngā pūkenga toi puoro pēnei me te arohaehae, te arotake, te manawanui</li> <li>• ngā nuka toi puoro pēnei me te reo ngangahu, te orotahi, te kōrero whakarite.</li> </ul> <p>Ehara i te mea me mahi te katoa; ko te tikanga ia, kia kōwhiria ngā āhukatanga e hāngai ana ki te horopaki.</p>
<i>mahinga toi</i>	He mahinga toi motuhake, he kohikohinga, he taura hukihuki, he tāruatanga rānei nā te ākongā anō i waihanga.
<i>hāngai</i>	Ka kitea te hononga ki te kaupapa.

<i>whaitake</i>	Ka āta whakaarohia, ka tūhonoa atu ki te kaupapa kia kitea ai tōna take.
<i>whai tikanga</i>	Ka āta wānangahia, ka kōtuituia kia kitea ai tōna tikanga.

4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>

5 Kuputaka

<i>āhuatanga</i>	<i>aspect, characteristic</i>
<i>ariā</i>	<i>concept, theme, idea</i>
<i>tukanga</i>	<i>process</i>
<i>huānga</i>	<i>element</i>
<i>pūkenga</i>	<i>skill</i>
<i>nuka toi</i>	<i>Māori arts feature</i>
<i>mahinga toi</i>	<i>original art work</i>
<i>hāngai</i>	<i>appropriate, connected to</i>
<i>whaitake</i>	<i>relevant, valid</i>
<i>whai tikanga</i>	<i>meaningful, purposeful</i>
<i>kohikohinga</i>	<i>series</i>
<i>tauira hukihuki</i>	<i>draft, series of drafts</i>
<i>tāruatanga</i>	<i>cover, rendition</i>

## Kōrero Whakakapinga

I whakakapingia ngā paerewa 91698-91705 e ngā paerewa 92087, 92089-92091.

## Tātari Kounga

- Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233

# Te Tautuhinga Aromatawai ā-Waho



Te Paerewa Paetae	92091
Te Ingoa o te Paerewa Paetae	Te whakamahi i ngā āhuatanga toi puoro kia puta ai he mahinga toi
Ngā whiwHINGA	E 4
Te Marau	Te Marautanga o Aotearoa: <a href="#">Toi Puoro</a>
Te Wāhanga Ako	<a href="#">Te Tukutuku Ako</a>
Te Tukanga Aromatawai ā-Waho	<a href="#">He Kete Manarua</a>
Ngā Momo Tāpaetanga ā-Matihiko	He konae tuhituhi – .PDF (5–20 whārangi) He kiriata – .mp4   .mov (<5GB)
Te Rā Tuku Aromatawai ā-Waho	Hei te 28 o Oketopa 2026
Ngā Wātaka Aromatawai ā-Waho	<ol style="list-style-type: none"> <li><a href="#">NCEA and School Assessment Timetable 2026</a></li> <li><a href="#">2026 Examination Timetable dates and intra-year Assessment Timetable - A2025/12 - NZQA</a></li> </ol>

## Te Whakatakotoranga Aromatawai ā-waho

Ka aromataihia tētahi mahinga toi puoro nā te ākongā anō i waihanga, waihoki ko tā te ākongā i whakamahi ai, ko tā te ākongā i whakahono ai i ngā āhuatanga toi puoro ki te kaupapa o te mahinga toi puoro.

Ka whakatakoto te ākongā i tētahi kōpaki toi puoro ā-matihiko o ngā mahi whakarite me ngā tukanga hoki, hei whakaputa i tētahi mahinga toi puoro motuhake. Ka whakaatuhia ngā momo āhuatanga toi puoro pēnei i ngā *huānga*, *tūnga*, *pūkenga*, me ētahi atu mahi whakarite ā te ākongā.

Anei ētahi tauira mahinga toi puoro e whai ake nei:

- He whakatangi taonga puoro,
- He whakatangi puoro
- He mōteatea,
- He momo waiata,
- He reo waiata.

Kāore e aromatawaihia tētahi rātaka, ētahi whakamārama rānei heoi, ki te tuku mai te ākongā i ētahi whakamārama hei tautoko i te kaupapa o te mahi ko te painga atu tērā.

Ka whakaemi te ākonga i ngā mahi katoa, ka whakaraupapa ai hei taunakitanga mō te Kete Manarua nei:

- He kiriata o te mahinga toi puoro nā te ākonga i waihanga. Kia 2 meneti neke atu rānei te roa.
- He whakamārama hei tautoko i te kaupapa o te mahinga toi puoro - he kōrero whakamārama rānei (ka tāpirihia ki te whakaaturanga, kiriata rānei), he tuhinga whakamārama rānei (ka tāpirihia hei PDF) ka tuku kotahi mai me te kiriata.

Ka whakaaturia ngā mahi mā ngā ata e toru.

1. Kei te ata tuatahi, ko te tau ākonga ā-motu (NSN) a te ākonga.
2. Kei te ata tuarua, ko te kiriata o te mahinga toi puoro a te ākonga.
3. Kei te ata tuatoru ko tētahi tauākī whakamārama ā-reo arataki, ā-tuhinga whakarāpopoto rānei.

Tēnā tirohia te Kete Manarua i te paetukutuku nei - [He Kete Manarua](#).

E whakaatu ana te Kete Manarua i tētahi tauira hei kōwhiringa mā te kaiako. Mā te kaiako tonu e whiriwhiri mēnā rānei ka whakamahia te/ngā tauira nei, ka whakamahia rānei he mahi whakaharatau, ka whakaritea rānei he Tūmahi Aromatawai anō hei whai mā te ākonga.

## Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākonga.

Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

## Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai ā-waho. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

**Hei tauira:**

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna awhina, ki ngā puna kōrero;
- Ngā momo puna awhina, puna kōrero rānei:
  - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
  - » ngā pukapuka i whakaputaina;

- » ngā pukapuka kāore anō i whakaputaina;
- » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a MyNZQA](#).

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a [assessment.service.centre@nzqa.govt.nz](mailto:assessment.service.centre@nzqa.govt.nz),
- waeahia rānei te NZQA Contact Centre i te 0800 687 296.

## Te Mahere Aromatawai ā-Waho

Toi Puoro 92091: Te whakamahi i ngā āhuratanga toi puoro kia puta ai he mahinga toi.

Kairangi (KR)	Kaiaka (KA)	Paetae (P)
Ka whakamahi i ngā āhuratanga toi puoro e whai tikanga ana kia puta ai he mahinga toi.	Ka whakamahi i ngā āhuratanga toi puoro e whaitake ana kia puta ai he mahinga toi.	Ka whakamahi i ngā āhuratanga toi puoro kia puta ai he mahinga toi.

### Te Taunaki i te Aromatawai ā-Waho

Kairangi	Kaiaka	Paetae
Ka whai, ka whakaputa māramatanga ki ngā huānga toi puoro, kia whai tikanga ki te horopaki.	Ka whai, ka whakaputa māramatanga ki ngā huānga toi puoro kia whai take ki te horopaki.	Ka whai, ka whakaputa māramatanga ki ngā huānga toi puoro kia hāngai ki te horopaki. <ul style="list-style-type: none"> <li>• kōrero</li> <li>• tuhi</li> <li>• whakaaturanga</li> <li>• mahi/whakamahi.</li> </ul>